



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

**Briet, Philippe**

**Parisiis, 1649**

§. 1. Æstæi, la Prusse, Liunie, & Samogitie.

**urn:nbn:de:hbz:466:1-13167**

## CAPVT II.

## Diuisio Geographica Sarmatiae.

§. 1. *Æstiai*, la Prusse, Liuonie, & Samogitie.

**A**LITER Hesti, seu Æsti, & Ostiones, quorum vestigium translucet in *Esten* Prouinciâ Liuoniæ: in littore Oceani constituntur apud Cassiodorum, apud Eginhardum ad sinum Codanum. Apud hos colligi succinum intelligitur ex Epistolâ Theodorici: quid autem Succinum, & vnde; legatur Philippus Cluuerius cap. 44. lib. 3. Germaniæ antiquæ. Notat etiam Tacitus colligere eos frumenta, & fructus, laborare *supra reliquos Germanos*; quibus verbis, eos Germanis videtur accensere. In Æstiais autem duo populi.

SCYR-  
RI { Sidonio Sceri, quorum regio palustris admodum dicitur OVIN apud Iornandem; olim amici Gothorum, fuere postmodum hostes: vnde colligere nititur Cluuerius Gothos fuisse Gothones Germaniæ populos, non è Scandiâ petendos esse.

la Prusse. {

HIRRI { Plinio soli cogniti sunt: quibus addicenda Osericta  
la Liuonie, { Insula vulgò *Oesel*, quam Plinius Latrim appellat,  
& la Sa- { eamque in sinu Clylipeno collocat, in quâ tradit  
mogitie. { Mitridates cætri genus crescere ex quo Succinum defluat.

§. 2. *Venedæ*, la Lithuanie.

EORVM vestigia in extrema parte Meridionali Liuoniæ Cluuerius agnoscit, in vrbe *Vvenden*. Obseruat item ad mare habitasse, & ab illis dictum esse Venedicum sinum, sicut & Pomeraniæ Regionem *Vvenden*, & Marchiam Vinidorum, in quam cum aliis Slaus transmigrarunt; vbi etiamnum Vinidi nominantur. Annumerantur à Plinio Sarmatis; dubitat Tacitus quoniam non viuunt in plaustris & equis, sed pedum vsu & pernicitate gaudent, & scuta gestant, errant tamen per sylvas Sarmatarum more latrociniandi